



2020-yil «7» май

№ 08-86

« » 20 года

**Ўзбекистон Республикаси Президентининг 2020 йил 29 апрелдаги
“Ўзбекистон Республикасида юридик таълим ва фанни тубдан
такомилаштириш бўйича қўшимча чора-тадбирлар тўғрисида”ги
ПФ–5987-сон Фармони ижросини таъминлаш тўғрисида**

Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомилаштириш бўйича қўшимча чора-тадбирлар тўғрисида”ги ПФ–5987-сон Фармони ҳамда Ўзбекистон Республикаси адлия вазирининг 2020 йил 6 майдаги “Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомилаштириш бўйича қўшимча чора-тадбирлар тўғрисида”ги Фармони ижросини таъминлаш ҳақида”ги 82-ум-сон буйруғи ҳамда Олий ва ўрта махсус таълим вазирлигининг 2020 йил 4 майдаги 279-сон буйруғида белгиланган вазифалар ижросини таъминлаш мақсадида

Б У Ю Р А М А Н

1. Ўзбекистон Республикаси Президентининг 2020 йил 29 апрелдаги ПФ–5987-сон Фармони ҳамда Ўзбекистон Республикаси адлия вазирининг 2020 йил 6 майдаги 82-ум-сон буйруғи ҳамда Олий ва ўрта махсус таълим вазирлигининг 2020 йил 4 майдаги 279-сон буйруғи раҳбарлик ва ижро учун қабул қилинсин.

2. Проректорлар, деканлар ва бошқа таркибий бўлинма раҳбарлари юридик таълим ва фанни янада ривожлантиришнинг устувор йўналишларидан келиб чиққан ҳолда ўз фаолиятида:

замонавий талаблар, илғор халқаро юридик тажриба ва меҳнат бозори эҳтиёжлари асосида юқори малакали, ижодий фикрлайдиган, ҳалол кадрлар тайёрлаш;

ўқитишнинг кредит-модуль тизимини ва талабалар билимини баҳолаш усуллариини такомиллаштириш, ўқув жараёнига замонавий ахборот-коммуникация технологияларини кенг қўллаш ҳамда ўқув базасини модернизация қилиш;

клиник юридик таълимни ривожлантириш йўли билан ўқув жараёни ва ҳуқуқни қўллаш амалиёти ўртасида узвий алоқани таъминлаб бориш;

ривожланган хорижий давлатларнинг етакчи таълим ва илмий муассасалари билан ҳамкорликни йўлга қўйиш, қўшма ҳуқуқий тадқиқотларни, профессор-ўқитувчилар ва талабаларнинг ўзаро алмашинувини фаоллаштириш;

ахборот ҳуқуқий технологиялар ва тизимларни (Legal Tech) ишлаб чиққан ҳолда давлат ва ҳуқуқ соҳасида илмий ва инновацион тадқиқотларни ўтказиб бориш;

хорижий ҳамкорлар билан биргаликда юридик кадрларни тайёрлаш бўйича қўшма таълим дастурларини (double degree) амалга ошириш, ўқув-таълим жараёнига хорижий олимлар ва мутахассисларни жалб қилиш;

“Электрон университет” (E-University) тизимини жорий этган ҳолда очик, шаффоф, субъективлик ва суиистеъмолчиликлардан холи бўлган таълим муҳитини яратиш;

ТДЮУни халқаро тан олинган таълим муассасалари рейтинига киритиш бўйича барча чора-тадбирларни амалга ошириш, шу орқали миллий юридик таълим рақобатбардошлигини ошириш масалаларига алоҳида эътибор қаратсин.

3. Ўзбекистон Республикаси Президентининг 2020 йил 29 апрелдаги ПФ-5987-сон Фармони билан тасдиқланган Тошкент давлат юридик университети фаолиятини янада такомиллаштириш бўйича “йўл харитаси” ҳамда унинг ижросини таъминлаш бўйича Ўзбекистон Республикаси адлия вазирининг 2020 йил 6 майдаги 82-ум-сон буйруғи билан тасдиқланган назорат режани ижросини таъминлаш бўйича Тошкент давлат юридик университетининг чора-тадбирлар режаси (бундан буён матнда Чора-тадбирлар режаси) иловага мувофиқ тасдиқлансин.

4. Чора-тадбирлар режасида белгиланган вазифалар ижроси учун масъуллар: белиланган вазифаларни тўлиқ, ўз вақтида ва сифатли бажарилишини таъминласин;

амалга оширилган ишлар бўйича Чора-тадбирлар режасида белгиланган муддатларда Мониторинг ва ички назорат бўлимига ахборот киритиб борсин.

5. Мониторинг ва ички назорат бўлими Чора-тадбирлар режасида белгиланган вазифа ва тадбирларнинг ўз вақтида ва тўлиқ бажарилиши бўйича ҳар ойнинг 30 санасига қадар Ўзбекистон Республикаси Адлия вазирлигига ахборот киритиб борсин.

6. Мазкур буйруқ ижросини назорат қилишни ўз зиммамда қолдираман.

Адлия вазири
ўринбосари – ректор

Р. Ҳакимов